

# ირანისტიკა (Iranian Studies)

## BA

სავალდებულო კურსები

(Compulsorily courses)

### 1. სპარსული ენა 1

*Persian language 1*

კურსის ფარგლებში შეისწავლება სპარსული ენის ანბანი, ფონეტიკურ-ფონოლოგიური და ნაწილობრივ მორფოლოგიური კატეგორიები, სინტაქსური სისტემები. სტუდენტი დაეუფლება სასაუბროდ საჭირო საბაზისო ლექსიკურ მარაგს და გაიწაფება მარტივი და ადაპტირებული ტექსტების სპარსულად კითხვასა და თარგმანში.

### 2. სპარსული ენა 2

*Persian language 2*

კურსის მსვლელობისას გათვალისწინებულია წინა ეტაპზე (სპარსული ენა 1) მიღებული ცოდნის გაღრმავება სპარსული ენის ფონეტიკურ-ფონოლოგიურ, მორფოლოგიურ და სინტაქსურ სისტემებში. მოხდება სპარსული ენის საბაზისო ლექსიკური მარაგის შევსება; სტუდენტი გაიუმჯობესებს და გაიმყარებს სპარსულად წერის, კითხვის, თარგმანის და აზრის გამოხატვის უნარს.

### 3. სპარსული ენა 3

*Persian language 3*

კურსის ფარგლებში გათვალისწინებულია სპარსული ენის გრამატიკიდან მორფოლოგიის საკითხთა შესწავლის დასრულება და სინტაქსის რამდენიმე საკითხის განხილვა, წერისა და თარგმნის უნარ-ჩვევათა გაღრმავება, კლასიკური პერიოდის სპარსული პოეზიის ნიმუშთა გაცნობა. სასაუბრო სპარსულისათვის საჭირო თეორიული ცოდნის დაუფლება, ლექსიკური მარაგის გამდიდრება.

### 4. სპარსული ენა 4

*Persian language 4*

კურსზე წარმოდგენილი შესასწავლი თემატიკა და მასალა ორიენტირებულია სპარსულ ენაში წინა საფეხურებზე (სპარსული 1–3) შეძენილი ცოდნის გამყარებაზე და უფრო რთული მასალის დამღევესა და ათვისებაზე. სტუდენტი კლასიკური და თანამედროვე სპარსული მწერლობის ნიმუშთა შესწავლით უკეთ შეძლებს ცოდნის გაღრმავებას, საუბრისათვის საჭირო ლექსიკის გამდიდრებას და მის პრაქტიკაში გამოყენებას.

5. *სპარსული ენა 5*  
*Persian language 5*

კურსის ფარგლებში სტუდენტი შეიძენს მყარ ცოდნას სპარსული ენის ფონეტიკურ-ფონოლოგიურ, მორფოლოგიურ და სინტაქსურ სისტემებში; მოხდება ლექსიკური მარაგის გამდიდრება, ტექსტის ლინგვისტური და ლიტერატურული ანალიზის ჩვევათა დახვეწა, სპარსული ტექსტების კითხვის, თარგმნის და თხრობის უნარ-ჩვევათა გამტკიცება.

6. *სპარსული ენა 6*  
*Persian language 6*

კურსის მსვლელობისას გათვალისწინებულია წინა ეტაპებზე (სპარსული ენა 1–5) მიღებული ცოდნის გამყარება სპარსული ენის ფონეტიკურ-ფონოლოგიურ, მორფოლოგიურ და სინტაქსურ სისტემებში; სპარსული ენის ლექსიკური მარაგის გაზრდა; სპარსულად მეტყველების უნარის დახვეწა.

7. *სპარსული ენა 7*  
*Persian language 7*

კურსის მსვლელობისას დიდი ყურადღება დაეთმობა გრამატიკული მასალის უფრო ღრმად გაანალიზებას. ამასთანავე, სტუდენტი გააანალიზებს კლასიკურ და თანამედროვე სპარსულს შორის არსებულ ცვლილებებს; დახვეწენ მეტყველებას, განივითარებენ წერილობით თუ ზეპირად თარგმნის (ორივე მიმართულებით) უნარ-ჩვევებს.

8. *ირანულ ენათა შესწავლის შესავალი*  
*Introduction into the studies of Iranian languages*

კურსის ფარგლებში სტუდენტს მიეწოდება ძირითადი ფაქტები, ცნობები და მონაცემები ირანულ ენებზე არსებულ ძეგლთა თაობაზე, ირანულ ენათა და დიალექტთა ამჟამინდელი გავრცელების შესახებ. საგანგებოდ განიხილება თანამედროვე ინდურ-ირანულ ენათა ისტორიულ-დიალექტოლოგიური კლასიფიკაციის საკითხები და სხვ. მნიშვნელოვანი ადგილი დაეთმობა ქართული ირანისტიკის საკითხთა გაშუქებას.

9. *სპარსულიდან ქართულად თარგმნის თეორია და პრაქტიკა*  
*Theory and practice of translating from Persian into Georgian*

აღნიშნული კურსი მოიცავს ორ ასპექტს – თეორიულსა და პრაქტიკულს. სტუდენტი გაეცნობა თარგმანის თეორიის ზოგად საკითხებს, რის შედეგადაც ჩამოუყალიბდება და გამოუმუშავდება თარგმანის სათანადო უნარ-ჩვევები, სპარსული და ქართული ენების სტრუქტურათა გათვალისწინებით.

10. *ძველი, საშუალო და შუა საუკუნეების სპარსული ლიტერატურის ისტორია*  
*History of Persian Literature in Old, Middle and Early Middle Ages*

კურსის პროგრამა ითვალისწინებს სტუდენტებს გააცნოს ირანსა და ირანულენოვან სამყაროში შექმნილი მრავალსაუკუნოვანი და უმდიდრესი ლიტერატურის ჩასახვა-განვითარების ისტორია და ლიტერატურული ძეგლები უძველესი დროიდან შუა საუკუნეების პერიოდის ჩათვლით. ამასთანავე, კურსით გათვალისწინებული შესასწავლი სპარსული ლიტერატურის ძეგლები განიხილება ქართული ლიტერატურის ისტორიასთან მჭიდრო კავშირში.

*11. ახალი და უახლესი სპარსული ლიტერატურის ისტორია*  
*History of modern and contemporary Persian literature*

ახალი და უახლესი სპარსული ლიტერატურის ისტორიის კურსი ითვალისწინებს სტუდენტებს გააცნოს ირანში ახალ და უახლეს ეპოქებში შექმნილი ლიტერატურა. სპარსული პროზისა და პოეზიის ნიმუშები განიხილება როგორც მრავალსაუკუნოვანი ძველი, საშუალო და კლასიკური სპარსული მწერლობის მემკვიდრე, ასევე – თანამედროვე მსოფლიო საზოგადოებრივ-პოლიტიკური და ლიტერატურული პროცესების შედეგი.

*12. სპარსულ-ქართული ენობრივი და ლიტერატურული ურთიერთობები*  
*Persian-Georgian linguistic and literary relations*

კურსის პროგრამა ითვალისწინებს სტუდენტს გააცნოს ქართულ ენაში სპარსულიდან და ქართულთან კონტაქტში მყოფი სხვა ირანული ენებიდან შემოსულ ნასესხობათა ფონეტიკური და სემანტიკური ადაპტაციის მექანიზმები და ამ ნასესხობათა ადგილი ქართული ენის ნომინაციურ (ლექსიკურ და ფრაზეოლოგიურ) სისტემაში. საგანგებო ყურადღება დაეთმობა ქართულ მწერლობასა და კულტურაში სპარსული ლიტერატურის შემოქმედებით ასახვას, ცალკეულ ძეგლებს, ჟანრებსა და ფორმებს, პოეტიკის ადაპტაციას.

*13. სათარჯიმნო პრაქტიკული სპარსული ენაში*  
*Practical course in translation and interpreting in Persian*

კურსი გულისხმობს სპარსულ ენაში პრაქტიკულ წვრთნას, წერილობითი და ზეპირი თარგმანისთვის საჭირო უნარ-ჩვევების განვითარებას. სათანადო სახელმძღვანელოებიდან, მასმედიიდან, ინტერნეტიდან მოპოვებული საშუალო სიძნელის მასალის დამუშავებასთან ერთად სტუდენტი ადგენს საკუთარ თემატურ სპარსულ-ქართულ და ქართულ-სპარსულ ლექსიკონს.

*14. ისლამი (რელიგია, ისტორია, ცივილიზაცია)*  
*Islam (Religion, History, Civilization)*

კურსი შეისწავლის ისლამს, როგორც რელიგიასა და სოციალური ინსტიტუტს, მის ისტორიას; მოციქულ მუჰამადის მოღვაწეობას ახალი მონოთეისტური რელიგიისა და პირველი ისლამური სახელმწიფოს შექმნის კონტექსტში. სტუდენტი ეცნობა ისლამის ძირითად მიმართულებებს (სუნიზმი, შიიზმი, ხარიჯიზმი) და თეოლოგიურ დოქტრინებს;

მუსლიმურ საზოგადოებაში სოციალურ-ეკონომიკური ურთიერთობებსა და თანამედროვე მუსლიმურ სამყაროში არსებული აქტუალური პრობლემებს. განსაკუთრებული ყურადღება ეთმობა საქართველოში მუსლიმური თემების ისტორიის შესწავლას.

### *15. ირანის ისტორია 1*

#### *History of Iran 1*

კურსის ფარგლებში სტუდენტი შეიძენს საფუძვლიან ცოდნას ირანის შუა საუკუნეების ისტორიისა და მისი განვითარების თავისებურებათა შესახებ; განიხილება მთელი რიგი საკითხები, როგორებიცაა: სასანიანთა იმპერია, ირანი არაბთა დაპყრობითი ომების შემდეგ, ირანისა და ოსმალეთის ბრძოლა კავკასიისათვის და სხვ. რამდენიმე ლექცია დაეთმობა ირანის ძველი ხანის ისტორიასაც (აქემენიანები და არსაკიანები).

### *16. ირანის ისტორია 2*

#### *History of Iran 2*

კურსის ფარგლებში სტუდენტი შეიძენს საფუძვლიან ცოდნას ირანის ახალი და უახლესი ისტორიის საკვანძო საკითხების შესახებ; განხილული იქნება ქვეყანაში განვითარებული ის ძირითადი ფაქტები და მოვლენები, რომლებსაც XIX-XX საუკუნეებში ჰქონდა ადგილი. ეს ისტორიული მოვლენები გაანალიზებულია თანამედროვე ისტორიული კვლევის საფუძველზე.

### *17. თანამედროვე ირანი (პოლიტიკა, ეკონომიკა, საზოგადოება)*

#### *Iran today (politics, economics, society)*

კურსი შეისწავლის ირანის ისლამური რევოლუციის შემდეგ ქვეყანაში შექმნილ მდგომარეობას, კერძოდ, განიხილება ისეთი საკითხები, როგორებიცაა: ისლამის ადგილი და როლი ქვეყნის საშინაო პოლიტიკასა და საზოგადოებრივ ცხოვრებაში, გენდერული ურთიერთობის საკითხი, ირანისა და საქართველოს ურთიერთობები, ირანის ბირთვული პროგრამა და სხვ.

არჩევითი კურსები  
(Optional courses)

1. *ახლო აღმოსავლეთის ქვეყნებისა და საქართველოს ისტორიული ურთიერთობები*  
*Historical Relations of the Middle East Countries and Georgia*

(არაბისტიკის, ირანისტიკის, ებრაისტიკა-არამეისტიკის, არმენოლოგიისა და თურქოლოგიის საბაკალავრო პროგრამების არჩევითი საგანი)

კურსი შეისწავლის ახლო აღმოსავლეთის ქვეყნებთან (არაბული ქვეყნები, ირანი, თურქეთი) საქართველოს მრავალსაუკუნოვანი ისტორიული ურთიერთობის პოლიტიკურ-იდეოლოგიურ, სოციალურ-ეკონომიკურ და კულტურულ ასპექტებს; განსაკუთრებული ყურადღება დაეთმობა იმ აღმოსავლური (არაბული, სპარსული, თურქული) წყაროების გაანალიზებას, რომლებიც შეიცავს ცნობებს საქართველოს შესახებ.

2. *აღმოსავლური კულტურა*  
*Oriental Culture*

(არაბისტიკის, ირანისტიკის, ებრაისტიკა-არამეისტიკის, არმენოლოგიისა და თურქოლოგიის საბაკალავრო პროგრამების არჩევითი საგანი)

კურსი შეისწავლის ახლოაღმოსავლური კულტურის წარმოშობისა და განვითარების ისტორიას; სტუდენტები გაეცნობიან მუსლიმ მეცნიერთა წვლილს ჰუმანიტარული და საბუნებისმეტყველო მეცნიერებების ჩამოყალიბებაში, ასევე მუსლიმური კულტურის ზეგავლენას დასავლეთ ევროპის ქრისტიანულ კულტურაზე, არაბულ-მუსლიმური კულტურის გამოვლინების ფორმებს საქართველოში, საქართველოდან გამოსულ მუსლიმთა როლს საერთო მუსლიმური კულტურის შექმნაში.

3. *ახლო აღმოსავლეთის საზოგადოებრივი გეოგრაფია*  
*Human Geography of the Middle East*

(არაბისტიკის, ირანისტიკის, ებრაისტიკა-არამეისტიკის, არმენოლოგიისა და თურქოლოგიის საბაკალავრო პროგრამების არჩევითი საგანი)

კურსი შეისწავლით საქართველოს მეზობელი ვრცელი რეგიონის - ახლო აღმოსავლეთის - სოციალურ, კულტურულ, ისტორიულ, პოლიტიკურ და ეკონომიკურ გეოგრაფიას; სტუდენტი შეიძენს ფართო განათლებას ზემოჩამოთვლილი დისციპლინების ფარგლებში და შეძლებს გეოგრაფიულ და ისტორიულ ურთიერთკავშირებში გარკვევას.

4. *ქართული ტექსტის ლინგვისტურ-სტილური ანალიზი 1*  
*Linguistic-stylistic Analysis of the Georgian text 1*

(არაბისტიკის, ირანისტიკის, ებრაისტიკა-არამეისტიკის, არმენოლოგიისა და თურქოლოგიის საბაკალავრო პროგრამების არჩევითი საგანი)

კურსი სტუდენტს მისცემს ფართო ცოდნას ქართული ენის გრამატიკის, კერძოდ, სახელთა ჯგუფთან დაკავშირებულ ყველაზე ძირითად საკითხებში; ამასთანავე, კურსი ითვალისწინებს სამეტყველო ენის დახვეწასა და, ზოგადად, ენობრივი კულტურის გაუმჯობესებას.

5. *ქართული ტექსტის ლინგვისტურ-სტილური ანალიზი 2*  
*Linguistic-stylistic Analysis of the Georgian text 2*

(არაბისტიკის, ირანისტიკის, ებრაისტიკა-არამეისტიკის, არმენოლოგიისა და თურქოლოგიის საბაკალავრო პროგრამების არჩევითი საგანი)

კურსის ფარგლებში მოხდება განვლილ საფეხურზე (ქართული ტექსტის ლინგვისტურ-სტილური ანალიზი 1) მიღებული ცოდნის განმტკიცება და გაღრმავება, რაც, თავის მხრივ, უმნიშვნელოვანეს დახმარებას გაუწევს სტუდენტებს, გამოუმუშავდეთ კომპარატიული აზროვნების უნარი. კურსი, აგრეთვე დიდ გავლენას მოახდენს ფილოლოგიური, კერძოდ კი, ლინგვისტური აზროვნების მასშტაბის გაფართოებაში.

6. *ლიტერატურის ტიპოლოგიური კლასიფიკაცია*  
*Typological classification of literature*

(არაბისტიკის, ებრაისტიკა-არამეისტიკისა და თურქოლოგიის საბაკალავრო პროგრამების არჩევითი საგანი)

კურსი მოიცავს და განიხილავს ლიტერატურული სისტემის კლასიფიკაციას გვარებად, ჟანრებად და სახეებად. მისი ამოცანაა ცალკეული ლიტერატურული გვარებისა და ჟანრების ზოგად კანონზომიერებათა აღწერა, მსგავსებათა გამოვლენა, განსხვავებათა დიფერენციაცია, ჟანრულ ქვესახეობათა სრულყოფილად წარმოჩენა და გააზრება ეპოქალური მოვლენების კონტექსტში.

7. *თანამედროვე არაბი ავტორი ორიგინალში (სირიულ-ამერიკული ლიტერატურული სკოლა)*

*Modern Arabic Author in the Original (Syrian-American Literary School)*

(არაბისტიკის საბაკალავრო პროგრამების არჩევითი საგანი)

კურსის მსვლელობისას გათვალისწინებულია სტუდენტის გაწაფვა ორიგინალური, არადაპტირებული არაბული მხატვრული ტექსტის კითხვაში და ამისთვის აუცილებელი უნარების გამომუშავება. ამ მიზნით შერჩეულია სირიულ-არაბული ლიტერატურული სკოლის ორი კორიფეს - ჯებრან ჯებრანისა და ამინ რეიჰანის მცირე ფორმატის მხატვრული პროზა.

8. *სირიული დიალექტის ელემენტარული პრაქტიკული კურსი*  
*The elementary practical course of Syrian Arabic Dialect*

(არაბისტიკის საბაკალავრო პროგრამების არჩევითი საგანი)

კურსის ფარგლებში სტუდენტი პრაქტიკულად შეისწავლის სირიული დიალექტის სპეციფიკას და საფუძვლებს, რაც გულისხმობს მოცემულ ენობრივ სივრცეში (სირია, ლიბანი, იორდანია, პალესტინელი არაბები) მოქმედი სასაუბრო არაბულის შეთვისებას და მის სრულყოფას.

9. *ეგვიპტური დიალექტის ელემენტარული პრაქტიკული კურსი*  
*The elementary practical course of Egyptian Arabic dialect*

(არაბისტიკის საბაკალავრო პროგრამების არჩევითი საგანი)

კურსი შეასწავლის სტუდენტს ეგვიპტურ დიალექტზე მეტყველების ელემენტარულ უნარებს, რათა ეგვიპტურ გარემოში ყოფნისას კურსდამთავრებულისთვის არ იყოს ძნელი პირველადი საკომუნიკაციო კონტაქტების დამყარება იმ პირებთან, რომელთაც არ იციან სალიტერატურო არაბული, ან ურჩევნიათ ეგვიპტურ დიალექტზე მეტყველება.

*10. ნიზამის ენა რომანული პოემების მიხედვით (ტექსტის ლინგვისტური ანალიზი)*

*Nizami's language according to romantic poems (Linguistic analysis of text)*

(ირანისტიკის საბაკალავრო პროგრამების არჩევითი საგანი)

დისციპლინა შეისწავლის შუა საუკუნეების სპარსულენოვანი პოეზიის უდიდესი წარმომადგენლის, ნიზამი განჯელის (1141-1209) ენას. ამ თვალსაზრისით, კურსის მსვლელობისას განიხილება პოეტის ორი რომანული პოემა - "ხოსრო ვო შირინი" და "ლეილი ვო მაჯნუნი." შერჩეული ფრაგმენტები გაანალიზებულია ლინგვისტური თვალსაზრისით, რაც მოიცავს ტექსტის დაწვრილებით ანალიზსა და თავისებურებათა გამოყოფას.

*11. სპარსული ფოლკლორი*

*Persian Folklore*

(ირანისტიკის საბაკალავრო პროგრამების არჩევითი საგანი)

კურსის ფარგლებში სტუდენტები გაეცნობიან ირანელების ზეპირსიტყვიერებას. სპარსული ფოლკლორის სწავლება მოიცავს სამ ბლოკს: I. ზოგადი ფოლკლორისტიკის ელემენტები; II. ირანული ფოლკლორისტიკის ისტორია; III. სპარსული ფოლკლორის ნიმუშები.

*12. ოსმალური ენა 1*

*The Ottoman Turkish Language*

(თურქოლოგიის საბაკალავრო პროგრამების არჩევითი საგანი)

კურსის ფარგლებში სტუდენტი შეისწავლის არაბულ გრაფიკას, კონსონანტთა გადაბმის წესებს, ხმოვანთა სისტემას, მიიღებს საბაზისო ცოდნას ოსმალური ენის ფონეტიკა-ფონოლოგიასა და მორფოლოგიაში. კურსის გავლის შემდეგ სტუდენტი შეძლებს ოსმალურად მარტივი ტექსტების კითხვას.

*13. ოსმალური ენა 2*

*The Ottoman Turkish Language*

(თურქოლოგიის საბაკალავრო პროგრამების არჩევითი საგანი)

კურსის ფარგლებში სტუდენტი გაიდრმავებს წინა საფეხურზე (ოსმალური ენა 1) მიღებულ ცოდნას მორფოლოგიაში და შეისწავლის სინტაქსის ძირითად საკითხებს. განსაკუთრებული ყურადღება დაეთმობა ენაში დამკვიდრებულ არაბულ კონსტრუქციებს, არაბული ზმნის თემათა სისტემას. კურსის გავლის შემდეგ სტუდენტი შეძლებს ოსმალურად მარტივი ტექსტების კითხვას და გამოუმუშავდება ამ საგანში მუშაობისთვის საჭირო უნარ-ჩვევები.

14. ებრაული და არამეული ენების ისტორიული ფონეტიკა და ფონოლოგია  
History of phonetic and phonology system of Hebrew and Aramaic languages

კურსი შეისწავლის ებრაული და არამეული ენების ფონეტიკისა და ფონოლოგიის ძირითად თავისებურებებს, როგორც სინქრონულ, ისე დიაქრონიულ ჭრილში, გაანალიზებენ სხვა სემიტურ ენებთან ებრაული და არამეული ენის მსგავსება-განსხვავებას და ურთიერთმიმართებებს.

15. ხეთური ენა 4

*Hittite language 4*

(ასირიოლოგიის საბაკალავრო პროგრამის არჩევითი საგანი)

კურსის მსვლელობისას აქცენტი კეთდება ლექტორის მიერ შემოთავაზებული სხვადასხვა ჟანრის და ნებისმიერი სირთულის ხეთურ ტექსტზე მუშაობაზე, მათ გრამატიკულ-ფილოლოგიურ ანალიზზე. სტუდენტი უნდა გაიწაფოს ტექსტის ლურსმული პირის კითხვაში და შეძლოს ტრანსლიტერაციის გაკეთება ნებისმიერი ხეთური ლურსმული ტექსტისა (იგულისხმება ტექსტი, რომელიც არ არის გამოცემული ან არ ყოფილა ლექცია-სემინარებზე სპეციალურად დამუშავებული).

16. შუმერული ენა 4

*Sumerian language 4*

(ასირიოლოგიის საბაკალავრო პროგრამის არჩევითი საგანი)

კურსის ფარგლებში სტუდენტი გაიღრმავებს და განიმტკიცებს წინა საფეხურებზე (შუმერული ენა 1–3) მიღებულ ცოდნას, რის შედეგადაც იგი შეძლებს დაამუშაოს ნებისმიერი სირთულის შუმერული წერილობითი ძეგლი, რაც გულისხმობს ტექსტის ტრანსლიტერირებასთან ერთად, მისი ტრანსკრიფციის მომზადებას.

17. შუმერული მწერლობა

*Sumerian literature*

(ასირიოლოგიის საბაკალავრო პროგრამის არჩევითი საგანი)

კურსი შეისწავლის შუმერული ენის, შუმერული ლურსმული დამწერლობისა და მწერლობის სხვადასხვა დარგის შესახებ არსებულ ზოგად მახასიათებლებს. სტუდენტი შეიძენს სისტემურ ცოდნას ლურსმული დამწერლობის არსში და გაეცნობა სხვადასხვა შინაარსის მქონე შუმერულენოვანი ტექსტის თავისებურებებს.

18. შუმერული ენიდან თარგმანის თეორია

*Theory of translation into Sumerian Language*

(ასირიოლოგიის საბაკალავრო პროგრამის არჩევითი საგანი)

კურსი შეისწავლის შუმერული ენის საკვანძო საკითხებს. სტუდენტი წარმოდგენილი მაგალითების გარჩევისას ხელმეორედ დაუბრუნდება შუმერული ენის გრამატიკას და უფრო ღრმად გაიაზრებს ენის სტრუქტურას. გაარჩევს ნაწყვეტებს თარგმნილი ტექსტებიდან შესაბამისი კომენტარებით. შედეგად სტუდენტი გაერკვევა ამ ურთულესი ენიდან თარგმანის საკითხებში. სალექციო კურსი მომზადებულია უახლეს გამოკვლევებზე დაყრდნობით.



19. გილგამეშის ეპოსი

*Epic of Gilgamesh*

(ასირიოლოგიის საბაკალავრო პროგრამის არჩევითი საგანი)

კურსის მსვლელობისას სტუდენტი შეისწავლის და დაამუშავებს სამხრეთ შუამდინარეთის ლიტერატურულ ძეგლებს, კერძოდ ქ. ურუქის ლიტერატურული ტრადიციის გვირგვინს – გილგამეშის ეპოსის ყველა ვერსიას.

20. აქადური ენა 4

*Akkadian Language 4*

(ასირიოლოგიის საბაკალავრო პროგრამის არჩევითი საგანი)

კურსის გავლის შედეგად ბაკალავრი გაიღრმავებს და განიმტკიცებს წინა საფეხურებზე (აქადური ენა 1,2,3) მიღებულ ცოდნას. სტუდენტები წაიკითხავენ აქადურ ენაზე შესრულებულ სხვადასხვა ჟანრის (ლიტერატურულ, ისტორიულ, რელიგიურ, მითოლოგიურ) ტექსტებს, შეისწავლება აღნიშნული ტექსტების ტრანსლიტერირება, ტრანსკრიბირება, გრამატიკული ანალიზი და თარგმანი.

21. ეგვიპტური ენა 1

*Egyptian language 1*

(ასირიოლოგიის საბაკალავრო პროგრამის არჩევითი საგანი)

კურსის ფარგლებში სტუდენტი შეისწავლის ეგვიპტური ენის გრამატიკის საფუძვლებს, გაეცნობა იეროგლიფური დამწერლობის თავისებურებებს, თანდათან შეაჩვევა იეროგლიფური ტექსტების კითხვას და ტრანსლიტერაციას.

22. ეგვიპტური ენა 2

*Egyptian language 2*

(ასირიოლოგიის საბაკალავრო პროგრამის არჩევითი საგანი)

კურსი, არსებითად, ეგვიპტური ენა 1-ის გაგრძელებაა. მისი გავლის შედეგად სტუდენტი დაეუფლება რთულ გრამატიკულ კონსტრუქციებს და შეივსებს ლექსიკურ მარაგს. ნასწავლი გრამატიკული და ლექსიკური მასალის განმტკიცდება სათარგმნი ტექსტებითა და სავარჯიშოებით.

23. ეგვიპტური ენა 3

*Egyptian language 3*

(ასირიოლოგიის საბაკალავრო პროგრამის არჩევითი საგანი)

კურსის ფარგლებში გათვალისწინებულია წინა საფეხურზე (ეგვიპტური ენა 1,2) მიღებული ცოდნის გაღრმავება და განმტკიცება. შედეგად, სტუდენტს საშუალება მიეცემა თარგმნოს ეგვიპტურ ენაზე დაწერილი ნებისმიერი სირთულისა და ჟანრის ტექსტი.

## 24. ურარტული ტექსტები

### *Urtian texts*

(ასირიოლოგიის საბაკალავრო პროგრამის არჩევითი საგანი)

კურსის ფარგლებში სტუდენტი ურარტული ტექსტების კითხვის მეშვეობით გაეცნობა ურარტული ენისა და დამწერლობის საფუძვლებს, ურარტუს ისტორიასა და კულტურას.

## 25. ასირიოლოგიის შესავალი

### *Introduction to Assyriology*

(ასირიოლოგიის საბაკალავრო პროგრამის არჩევითი საგანი)

კურსი შეისწავლის ასირიოლოგიის რაობას, მის ქრონოლოგიურ და გეოგრაფიულ ჩარჩოებს, თემატიკას, ძირითად პრობლემატიკას და მათი შესწავლის მეთოდოლოგიურ საფუძვლებს.

## 26. ბუდიზმი

### *Buddhism*

(შორეული აღმოსავლეთის რეგიონის მცოდნეობის დამატებითი საბაკალავრო პროგრამის არჩევითი საგანი)

კურსი შეისწავლის უძველეს მსოფლიო რელიგიას – ბუდიზმსა და ბუდისტურ სამყაროს, მისი არსის წარმოშობის ისტორიას, მთავარ მიმდინარეობებს, გავრცელების არეალსა და მნიშვნელობას მსოფლიო კულტურის საგანძურში. კურსის ფარგლებში აზიის დიდი სახელმწიფოების (ინდოეთი, ჩინეთი, კორეა, იაპონია) ნიმუშზე განიხილება ბუდიზმის, როგორც ფილოსოფიურ-რელიგიური მოძღვრების, სპეციფიკური ნიშან-თვისებები ისტორიული განვითარების სხვადასხვა ეტაპებზე.

## 27. იაპონიის ახალი და უახლესი ისტორია

### *Modern and Contemporary History of Japan*

(შორეული აღმოსავლეთის რეგიონის მცოდნეობის დამატებითი საბაკალავრო პროგრამის არჩევითი საგანი)

კურსი შეისწავლის იაპონიის ისტორიის საკვანძო საკითხებს პოლიტიკური, სოციალურ-ეკონომიკური და კულტურული პროცესების სპექტრში; საერთაშორისო ურთიერთობების ფონზე (ახალი და უახლესი პერიოდი) ქრონოლოგიური თანმიმდევრობით განიხილება ისტორიული ფაქტები და მოვლენები იაპონიაში ტოკუგავას დინასტიის მმართველობის ხანიდან (1603-1867) მოყოლებული თანამედროვე პერიოდამდე.

## 28. იაპონიის ეკონომიკა

### *Economic of Japan*

(შორეული აღმოსავლეთის რეგიონის მცოდნეობის დამატებითი საბაკალავრო პროგრამის არჩევითი საგანი)

კურსი შეისწავლის შორეული აღმოსავლეთის ქვეყნების სამეურნეო ცხოვრების იმ ელემენტებს, რომლებიც კონკრეტულ ისტორიულ პირობებში ჩამოყალიბდა და ვითარდება; იაპონიის განვითარების მოდელზე დაყრდნობით, სტუდენტები გაეცნობიან თანამედროვე საბაზრო ეკონომიკის კანონზომიერებებს, ეზიარებიან იაპონიის ეკონომიკური განვითარების მდიდარ გამოცდილებას.

### 29. ჩინეთის ახალი და უახლესი ისტორია

#### *Modern and Contemporary History of China*

(შორეული აღმოსავლეთის რეგიონისმცოდნეობის დამატებითი საბაკალავრო პროგრამის არჩევითი საგანი)

კურსი შეისწავლის ისეთ საკვანძო საკითხებზე, როგორცაა ჩინეთის პოლიტიკა I და II მსოფლიო ომში, ჩინეთის სახალხო რესპუბლიკის ჩამოყალიბება, მათი პედუნის მმართველობა, “კულტურული რევოლუციის” კრახი, ჩინეთის ახალი ეკონომიკური პოლიტიკა, სოციალური და ფინანსური რეფორმები, საგარეო და საშინაო პოლიტიკა, ჩინეთ-საქართველოს ურთიერთობები.

### 30. ჩინეთის ეკონომიკა

#### *Economic of China*

(შორეული აღმოსავლეთის რეგიონისმცოდნეობის დამატებითი საბაკალავრო პროგრამის არჩევითი საგანი)

კურსი შეისწავლის შორეული აღმოსავლეთის ქვეყნების სამეურნეო ცხოვრების იმ ელემენტებს, რომლებიც კონკრეტულ ისტორიულ პირობებში ჩამოყალიბდა და ვითარდება; საგანგებო ყურადღებაა გამახვილებული ჩინეთის სოციალურ-ეკონომიკური განვითარების თავისებურებებზე; ჩინეთის განვითარების მოდელზე დაყრდნობით, სტუდენტები გაეცნობიან თანამედროვე საბაზრო ეკონომიკის კანონზომიერებებს, ეზიარებიან ჩინეთის ეკონომიკური განვითარების მრავალფეროვნებასა და გამოცდილებას; წარმოჩნდება მსოფლიო ეკონომიკაში ჩინეთის სამეურნეო განვითარების როლი.

### 31. ევროპელების შეღწევა და ქრისტიანობის გავრცელება შორეულ აღმოსავლეთში

#### *Penetrate of the Europeans and Spread of Christianity in the Far East*

(შორეული აღმოსავლეთის რეგიონისმცოდნეობის დამატებითი საბაკალავრო პროგრამის არჩევითი საგანი)

კურსი შეისწავლის შორეული აღმოსავლეთის ქვეყნებში ევროპელების გამოჩენის ისტორიას, ქრისტიანობის გავრცელებასა და მის შემდგომ ბედს შესასწავლ რეგიონში. ყურადღება აქცენტირებულია იმ გარემოებაზე, რომ უძველესი ტრადიციებისა და ფილოსოფიურ-რელიგიური მოძღვრების მძლავრ კერებში დასავლეთიდან შეღწეულმა ქრისტიანულმა სარწმუნოებამ საგრძნობი გავლენა მოახდინა მათ პოლიტიკურ და კულტურულ ცხოვრებაზე.

### 32. ისტორიული ქალაქები და საქალაქო ცხოვრება შორეულ აღმოსავლეთში

#### *Historical Cities and City Life in the Far East*

(შორეული აღმოსავლეთის რეგიონისმცოდნეობის დამატებითი საბაკალავრო პროგრამის არჩევითი საგანი)

კურსი შეისწავლის შორეული აღმოსავლეთის (უმთავრესად ჩინეთისა და იაპონიის) ისტორიულ ქალაქებსა და საქალაქო ცხოვრებას. ყურადღება გამახვილებულია ისეთ სფეროებზე, როგორებიცაა: ქალაქების ისტორია, ყოველდღიური ყოფა-ცხოვრება, დემოგრაფია, ვაჭრობა-ხელოსნობა, მმართველობის ფორმები, საქალაქო კულტურა, სანახაობრივ-გასართობი დაწესებულებები და სხვა. შედარებითი ანალიზის საფუძველზე შესწავლილია სხვადასხვა რეგიონისა და ისტორიული პერიოდის ქალაქები, წარმოჩენილია მათი სპეციფიკური ნიშან-თვისებები.